

橡

繭

圖

說

閭之民生在勤勤則不匱沃土之民
不材瘠土之民莫不嚮義以其勞逸
殊也黔中尺寸皆山絕少沃壤瘠已
甚矣迺黔之民能辨土宜勤於樹藝
五穀而外杉桐榛蠟物產蕃滋而遵
義之槲葉育蠶其利尤美是殆風氣

近古抑亦勞則思善之所致歟然非
司牧者為之開其利源導其先路不
為功道光甲申前撫程公從吳荷屋
方伯請取遵義種橡養蠶之法徧示
通省俾仿而行之一時循良吏無不
踴躍從事安平劉令祖憲惴惴無華

實心愛民用意尤為懃懇以貧民苦
無蠶種也捐資市繭導之試放丙戌
繭乃大熟於是製機集匠教以織絲
又恐蚩氓未能通曉而樂行也復撰
橡繭圖說各系以詩俾之咏歌鼓舞
易知易從是真能勤於民事而導民

以義者余攷齊民要術汜勝之書言
蠶桑事詳矣而槲櫟之用闕焉唐書
南詔傳稱曲靖至滇池食蠶以柘亦
不及槲櫟農政全書則云飼蠶之樹
世人皆知有桑柘矣而東萊人育山
繭者於樹無所不用椒繭最上桑柘

次之椿次之樗為下然則前遵義陳
守之教民以柵葉育蠶亦因地制宜
耳苟師其意則可育蠶之樹尚多也
又按南史載高昌國有草實如蘭中
絲為細纊名白疊南越志云桂州出
古終藤結實如鵝毳昔人謂之吉貝

即今之棉花是也不蠶而棉無采養之勞不麻而布免績緝之功衣被天下其利大矣恭讀

欽定授時通考所載種藝制作之法綦詳較之育蠶織綢事半而功倍其為用也更廣為民父母者誠講求而

勸導之俾吾民因物土之宜各盡其
力棉花之利與橡繭並行庶地無遺
利人無遺力衣食足而禮義興於良
司牧有厚望焉是為序

道光歲在強圉大淵獻陽月上澣撫
黔使者興堪嵩溥撰

嘗謂以實心行實政者必當視民事
如家事爲之摩畫周詳謳吟詠此
書所以有無逸之圖詩所以有豳風之
詠也黔中山峻水駛無平原沃野
之利乾隆初有旨義陳守教民以
種橡養蠶繅絲綢之法由是商販

雲集焉郡之民獨稱殷富而他郡鮮
有及之者蓋由官斯土者未能因所
利而利之也安順所屬之安平縣地
狹而土瘠然多產橡民間伐之以作
薪炭不知其所以餽饗也閩清劉
仲矩來宰初邑相地之宜揆物之理

知其利也。據者必利於國。因在

上憲之極而行之。循陳守之灋而試
之。知民之窘於謀始也。捐貲以倡之。
慮民之多事。畏難也。延工。呂嘉之
且念民之不能家諭而戶曉也。陰圖
以示之。註說以解之。而復贊詩以

詠之余忝守郡嘉其苦心勞思開此
無窮之利誠恐所費不貲後難為
繼亦分廬以助之務使楚畹曠土
邑鮮游民今試邑其地見橡林之
蔥鬱數畧具之參差縹緲其晨
昏輟弄機輒一午在常聞民生

左勤、則不匱文值

聖天子

子在上豐年屬茲飽食煖衣樂利
之休風不多讓於吾郡矣願此仲
矩之以實心効實政祝民事如家事
烏能為之罄畫周詳言漸而玉謠
吟諷勸以感斯通乎人道敏政地

才自見言
三
是敏樹洵不誣也惟冀所屬多賢牧
令踵而行之則余之典有榮施焉爰
披圖而為之序昔在

道光丁亥暢月下泮長白叟林
樾庭氏撰

橡園說叙

洪範之陳八政也食貨次於司徒周頌之咏思文也陳常先謀率育此我

先師孔子所爲籌富於教之先而管子亦云倉廩實而禮義興也伏讀我

聖祖仁皇帝上諭之四條曰重農桑以足衣食蓋自古帝王未有不以

小民之衣食爲先務者歲丙戌貴以安平邑侯劉仲矩先生聘

纂縣志寓平署竊聞安平多橡樹民祇薪炭用之先生於甲申

冬間禁民砍伐教民種橡育蠶乙酉十月貧民苦無蠶種先生
捐廉四百六十金貸之及^貴來署復孜孜汲汲續購橡子數十石
給民領種又於署旁隙地種橡秧以分給鄉民邑無機商先生
復貸蠶民蔡萬春等千餘金設機房三所招教織匠三十餘人躡
機行緯軋軋乙乙而城鄉婦孺相率而師之者日無寧暑冬末又
市繭種三十萬教民烘種育蛾并以貸貧民之不能買種者^貴戲
謂先生曰居官如傳舍斯豈公家子孫世守者乎何爲勞心焦
思一至於此先生曰安平舊稱瘠邑余始不之信自甲申承乏

以來熟祭四境民無積蓄室少完廬年豐則僅饜糟糠歲歉則野有菜色余聞安邑千樹素蕪秦千樹栗渭川千畝竹其富與千戶侯等方今各

上憲刊刻育橡放蠶條教令各府州縣教民種育余計種山土一幅得山糧二石以之種橡利可十倍昔遵義亦瘠區也乾隆初年山東陳守玉璧以其鄉之山蠶教民飼放織繭數十年後遵義稱富饒安平瘠土安知不可轉爲富鄉哉貴曰是固然已但百姓可與樂成難與謀始先生又安能盡教之先生因出所纂橡繭圖

說以示余余讀其書自辨橡種橡以至上機成綢爲條四十有一
條各一說說各一圖圖各一詩條分縷晰明白顯易雖村農野老
販夫牧豎皆能通曉而樂行之是真可與謀始可以家諭戶曉矣
昔張全義之任河南也河南地盡砂礫草木皆稀全義巡行郊野
勸民種樹種麥有勤苦者必親至其家勞以酒食民相語曰張公
不喜聲伎惟見種樹種麥乃喜耳由是比戶豐美民少離散先
生其今之張公哉宋于潛令樓璘言農夫蠶婦之作苦究訪始末
作耕織二圖其織圖則自浴蠶以至剪帛凡二十四事先生此

書有圖有說每圖之上又作詩以咏歌之使讀是書者既有所遵循又有所觀感興起樂於從事仰事俯育共爲

聖世良民然則此書固可媲美前人而大爲斯民衣食之藉也其利豈不溥哉謹序 旨

道光七年五月水西何思貴天爵書於平壩文儀官舍

橡蒴圖說目錄

橡利第一

辨橡第二

害橡子第三

擇土第四

培土附

種橡第五

播秧種秧附

種橡兼種雜糧第六

畜橡第七

斫橡第八

恤橡第九

擇種播種第十

修理烘房烘種柔種第十一

穿種上晾出蛾第十二

烘房火候第十三

提蛾配蛾折蛾數蛾第十四

伏卵出蠶第十五

祈蠶第十六

禦風雷第十七

占繭之成熟第十八

分棚第十九

計本息第二十

春放蠶法第二十一

毆鳥第二十二

秋蠶同

移枝第二十三

秋蠶同

三眠大眠第二十四

蠶病第二十五 治法附

收繭收種第二十六

燠繭第二十七 秋蠶用

晾種第二十八

秋蠶縛枝第二十九

毆蚱蜢第三十 餘蟲附

煮繭取絲第三十一

導筩第三十二

套繭第三十三

破口繭

血繭

湯繭附

絡絲第三十四

攢絲第三十五

絡緯第三十六

牽絲第三十七

扣絲第三十八

刷絲第三十九

再扣絲繫綜第四十

上機度梭成網第四十一

機床并
各器附

橡蘭圖說上卷

橡利第一

閩中梅溪劉祖憲仲矩手輯


橡爾雅謂之櫟。山東關中謂之櫟。貴州謂之青桐。小者可養蠶。大者老者可薪炭。其子可喂猪。其斗斗橡子可染皂。東觀漢記李恂居新安關下。拾橡實爲食。本草綱目言山年飢歲。可作豆腐。今湖廣黔中。往往雜黃豆爲之。又或以石灰水去其苦味。乾研成麩。亦可以供食。則樹木之利。未有過於此者。管子言十年之計。樹木而橡樹則四年便可飼蠶。他樹必沃土易長。而橡樹則於瘠土及五

穀不生之土。無不可以種植。今遵義一郡。不論肥瘠之土。均栽橡樹。其有宜於雜糧者。亦以利少而皆種橡。橡利之廣。已有明徵。吾民何憚而不爲哉。或曰。遵義以一郡所出之繭。即將遍天下。設橡樹徧於黔中。不慮其聚而不銷乎。不知遵義之綢。今僅通於河南四川湖北山陝雲貴數省。而河南販客。往往於春季先出銀付織。秋始取綢。則綢之易銷可知。且今之土綢。尚不可以染紅。其用此絲者。亦惟廣東之沉香繭、雲南之通海緞。餘若四川各省。祇以雜絲線帽緯等之用。嗣此而腴綢益熟。染水益得。則用必益多。銷必

益易矣。且家蠶之絲。每兩值銀二錢。此則半減其價。縱俗尚紛華。或嫌其樸今。

上崇儉去奢。苟非朝祭之服。未有不樂趨於儉者。然則數十年以後。知必有較家蠶之絲而倍銷者矣。吾民又何慮其壅而不行哉。

青桐利益最
無疆子可療
皴
皂染裳莫犯
嫩
枝作薪炭桑
利不亞桑



辨橡樹第二

橡樹之宜於蠶者。黔人名細葉青桐。有二種。一種色青。一種葉邊微紅。均葉長如鋸。房生。實如小榛子。大味甜。又有一種大葉青桐。又名厚皮青桐。皮厚。葉微圓如掌。大青白相兼。味甜。葉粗。秋蠶。嘴堅利。初眠時即能食。若春蠶必二三眠後始能食之。亦房生。實小如薏苡。以之催葉尚可。又一種名胡利葉。與厚葉青桐畧同。但皮薄。不開花。爲異耳。又大葉一種。名水青桐。色微紅。葉邊如鋸。味澁。蠶食之。不甚作繭。

紅邊

種時同一貴工
夫絲少絲多便
有殊若使遍山
皆細葉管教一
繭重三鉢

細葉青桐葉

紅邊

大葉青桐

大葉青桐



窖橡子第三

凡橡子必生於老橡。九月間子熟自落。收取之後。即當挖地窖之。窖大小淺深視橡之多少。每鋪橡子一層。厚寸許。用草灰寸許蓋之。復鋪橡子一層。不論層數多寡。均如前法埋畢。上覆以土。至春則分種之。若將橡子散置房屋。或見風日。則積濕生熱。積熱生蟲。不過半月而橡子盡壞矣。

橡子如何怕見風
從來風氣慣生蟲
風氣生虫故風要
字從几從虫
他箇箇生無已挖
窖埋之法最工



擇土第四

凡樹忌瘦土。橡樹則否。惟求土紫色黃。及土紋縝密者種之。則不

生蟲。

凡鬆土中。生一種白蟲。其狀如三眠之蠶。色白。但差短耳。俗名土蠶。食橡根及栗根尤甚。若堅土則皆無有。

若黑

土性鬆泥塗窪濕。

惡其濕也。

及陰土。

凡太陽所不照之土。皆為陰土。

均非所宜。而巖山

尤忌。蓋山石堅硬。蠶多跌壞。夏日炎熱。所有墜落。及乘涼下地之

蠶。不即為檢取。往往燙死石上。巖石又多罅隙。有匿藏其中而俄

死者。且山石多蛇鼠。尤須防之。

田欲肥繞土以糞青桐偏不喜
泥金其言上漫非為實種得黃
金樹萬株



種橡第五 播秧種秧附

種橡之法用大鐵鋤一根。圓如鴿卵大。上平下尖。如錐形長二尺許。以錐擊入土中三四寸。先入糞土一撮。隨置橡子二枚。仍以鬆土蓋之。至春發芽。芽爲根芽。隨手置之。而本乎地者。自親下此種橡之法也。若播秧。則不必密橡。法於取橡子時。擇沃土一塊。密鋪橡子如播穀種。上用草或草灰蓋之。再覆以土一二寸。至發生時。加糞土灌溉。年可長尺餘。既易於培植。且可免牛馬之踐。俟次年雨水節二三日後。將大蹠鏟一把。蹠鏟今土工所用蹠土皮向秧地上用力蹠起。

連秧和土提入箕內往山場。又用大鐵鋤長一尺約重五六斤於栽種處用力一挖深三四寸再用力一挖深五六寸將土輕爲攪開切不可翻轉原土又將橡秧順勢插入所攪土內如稍有盤屈則抽出再插之插畢又以輕手取出鐵鋤以脚重踏原土使無縫隙如此則根與土合易於得氣種干活千種萬活萬四年之間便可放蠶至秧之相去每栽一秧四面各距二三尺亦定法也。又按每日一人可栽橡秧三百十人三千若十人十日便可栽三萬以橡樹一株放蠶四十頭計之三萬株即可出繭一百二十萬橡樹之利

如此。吾民又何憚而不為哉。凡附近橡林之田坎園坎及移枝
可及之處均宜種橡以盡地利。至民宅墻下及園中隙地種橡百
株可抵山橡三百株。以地肥葉美人工易周而蠶少拋棄故也。
甲申九月奉 各憲札飭收買橡子以備鄰縣支領并勸諭鋪隴
等十餘處民人領種橡子將及三載樹僅尺餘山土稍肥者亦不
滿三尺。邑民全未知利不肯去草澆糞故倍難長。
如果留心樹畜四年定可放蠶勿疑也。丙戌臘月於署
中隙地依法種秧十數萬株半年之間橡高二尺最小者亦有一
尺五六寸可見人之勤惰與地之肥磽其相去不啻數倍也。

種橡何如種橡
秋牛羊踐履可
無傷問余干
種何干活
順種根芽
法最良



種橡兼種雜糧第六

橡利興矣。當必有如遵義各縣。以乾土熟土而種橡者。設或不明其法。地利未盡。亦可惜也。法宜於乾土熟土內。依法栽種橡樹。每樹四面各空二尺。而空處之地。即當兼種豆麥紅稗。以收地利。且澆糞去草。橡樹既可易長。而春草不生。仍可免牛馬之踐。至次年三年。橡高不過二三尺。其葉尚稀。仍宜於冬間種麥。至橡葉繁茂。而麥亦已熟矣。四年春季。已可放蠶。無庸兼種。至放過三季。或四季之後。橡經斫伐。是年冬間。即當種麥。至新種於山者。亦可依此。

魚種此爲盡地之利吾民亦不可不知也

橡樹新栽陳地多兼將豆麥種山阿春
鰲未熟人猶飽試問山農識得麼



畜橡第七

畜橡者。謂橡樹初生時。生氣尚微。凡四旁之草木。皆易爲害。故宜速鋤之。橡葉味甘美。牛羊皆嗜之。一經被齧。不獨難長。必數年乃復其舊。而羊害尤酷。語云。牛吃如澆。羊吃如燒。蓋羊爲兇畜。兇屬金。金尅木。故其害爲尤甚。凡橡葉落時。掃壅橡根。而樹愈暢茂。何也。葉之朽也。美於糞也。

畜橡猶如畜稻梁草根如
莠橡如根更將落葉勤澆
糞一橡栽成抵擔糧



斫橡第八

橡老葉粗氣薄味淡。蠶多不食。即食之而吐絲亦少。其未老之料。屢經葉食。枝剪殆盡。萌蘗無多。而葉亦力薄。法宜於小陽時候。是月。其新離橡根四五寸。用刀猛力斜斫之。務使斫處多有歧。一經一芽。十縫便有十芽。若用利刀及鋸。則光滑無縫。不能叢生。試看人家種蠟樹者。愈斫愈繁。每本不下五六十莖。橡性之叢生亦猶此也。七月不可斫橡。以金旺尅木。木根多壞也。故凡田畔茨草。農夫必以七月斫之。

屢經剪伐樹無枝枝
無固執葉下滋若要
叢生枝葉茂條枝斫
去莫遲疑



恤橡第九

橡生四年可放蠶矣。而欲其耐放。則尤當恤橡之力。假如橡樹一
林。甲子年放過春蠶。則秋季便當休息。至乙丑丙寅丁卯三季。仍
放春蠶。亦各以本秋爲休息之時。至丁卯春後。四經剪削。橡充無
枝。則於是年十月。如法斫伐。戊辰一年。可長三尺餘。己巳春季。便
可放蠶。但前放一萬者。此時只可五千耳。


幼稼難經兩季磨當
尋別處去通那今春
放過秋須歇葉茂枝
繁萌愈多



擇種搖種第十

擇種之法有三。一以手四指審之。重而殼潤者佳。輕而殼燥者否。
一向耳邊搖之。重而聲沉者佳。輕而聲鬆者否。一看絲頭。絲頭長寸許在
前故尖處。蛹之頭在此。此絲之頭亦在此。絲頭紅潤者佳。黃燥者否。種之美者。每萬可
得蛾七八千。否則只三五千不等。然又須慎辨雌雄。毋使多寡不
勻。絲頭正出者為雄。偏出者為雌。雄者多瘦而長。雌者則較圓而
大。

四指中間試重
輕或搖耳畔聽
其聲欲知種有
雌雄別偏正圓
長仔細評



修理烘房第十一

烘種果種附

烘種之法。於臘末正初。脩整烘屋一間。紙糊四壁。不使透風。上以板蓋之。使火氣不散。周圍置木架。架高五六寸。以便安種。無當中置火。用篾羅盛蘭種。靠四壁安頓架上。時常移動。使背面皆得暖氣。數日之後。又將羅內蘭種翻轉。勿令偏熱偏寒。如此則十日之後。蘭種柔軟。而其殼可受穿矣。

天地網緼物化醇烘
房火候亦稱神英言
此火薪炭妙手能
回九地春



穿種上晾出蛾第十二

何謂穿種。繭有頭脚。有絲頭者曰頭。無絲頭而圓淨者曰脚。用麻線淺穿其脚。傷深則頓在烘房籬內。仍不時翻轉。使火氣勻滿。如此二十日。則有蛾飛出。謂之報信蛾。即取所穿之種。掛於烘房四面竹竿上。中仍以微火烘之。則羣蛾咬繭而出矣。自烘種起十日穿種。又十日見報信蛾上晾竿。又二十日蛾盡出。凡出蛾多在午時以後。至戌時止。故俗以蛾出爲陰。

形如雀卵勢長
圓滿脚無絲要
淺穿再向烘房
調火劑羣蛾展
翅樂翩翩



烘房火候第十三

火宜柴。柴必橡樹。一取其味甘。氣純性平。一取其火烟絲繞。暖氣

周遍。此外惟救兵糧之根。多生於道旁。固坎其子叢生。至秋木冬

槿。或毛果。楓香。白蠟。化稿。諸樹。亦可取用。若他樹。則氣辛。殺蟲。蠶

蛹最忌。如蠶食桐子葉。或白楊葉。必死。是其驗也。若用炭。則火性

烈而不勻。煤火尤忌。此用柴之辨也。凡未出蛾之先。烘者於雞鳴

時起火。陸續添柴。至戌時息火。以灰覆之。日日如是。若蛾既出。則

起火。雖亦同時。謂之陽火。至巳時。便以灰息火。謂之陰火。否則火無陰陽而

蠶多病。要之。用火之法。自烘種。輒種。至穿種。出蛾。前後三十日。總要停勻。若火過大。則蠶多斑。狗過小。則蠶出又遲。至蛾之出也。生氣甚微。又宜微火以養之。此用火有陰陽大小之辨也。又須量地之寒暖。假如至高之處。冬氣常在。橡葉生遲。須微火烘之。使蛾遲出。低五之處。春氣常在。橡葉生早。宜急火烘之。急火非忽大。忽小之謂也。使蛾早出。此用火之緩急。以橡葉之遲早而辨之也。又有不高不低之地。春氣一般。橡葉已發生。而蠶出有遲早者。何故。蓋烘房必依村寨人家。而村寨有向陽向陰之不同。如村寨坐向東南。天陽外

感蠶出必早。須以緩火烘之。如村寨坐向西北。天陰外襲蠶出必遲。須以急火烘之。此以村寨之陰陽分蠶之遲早。而因以火候之緩急配之也。凡烘房欲溫。若瓦房稍高。或三面均磚牆。上牆又係土地。至息火時。上下四面均有陰氣潛襲。蠶多瀉痢。若柴用陽火。及火過大。則不獨蠶病斑狗。而在二三眠時。亦必紛紛下地。四處逃散。多至於餓死。火候之調。莫難於此。故烘房不如草房之為要也。今遵義縣用草房。其烘壞於瓦屋磚牆者。屢經試驗。慎之慎之。

烘種如何匠石論陰陽
大小火宜勻再將春
氣分遲早萬樹歐絲
白似銀



捉蛾配蛾折蛾數蛾第十四

蛾出矣。大者爲雌。小者爲雄。雄者眉粗。雌者眉秀。無論雌雄。盡捉入筐。使其自爲配耦。緣筐內外。以便於折。其有不能自配者。則入爲之合。其配之時候。如本日午時配者。俟來日午時折之。若配不周日。與不及時而折之。早則精氣不足。大眠之時。必病空肚。有過時而折之太晚。則雌蛾亂飛。往往覆卵於別處。多所拋棄。若以已配之雄蛾。再令作配。則卵不生。蠶即生蠶。而亦多病。亦精氣不足故也。凡折蛾。必以手大指及次指。捻雌蛾之肚尾。使尿盡出。

否則腹脹而難於伏卵。折配畢以母蛾一一數過。放入荊條籠內。各爲登記數目。以便拴筐。若天氣寒涼。仍須以微火薰之。

凡雌蛾不去溺。及折蛾太遲。則雌蛾往往脹死。即或不死。其卵亦難盡出。所折雄蛾。必須另收一處。俟其自斃。否則紛紛亂飛。復與別蛾作配。致有敗卵及空肚諸病。凡烘火過大。則蛾多黑。而兩翅不舒。俗謂之健翅。一云。火候雖勻。凡一筐之蛾。亦必有健翅蛾十餘隻。當急去之。不令作配。若火過小。則蛾翅有黑汗一點。如粟米大。所配之卵均不育。

情如蛺蝶兩相隨氣
候祇宜十二時若使
過時與不及頓教生
危一時漸



伏卵出蠶第十五

凡母蛾大者約伏卵百二三十顆。小者亦有八九十。大概以百顆爲準。其當覆卵時。兩翅必搖動有聲。又須以筐蓋覆之。勿使飛出。欲卵之勻布。則以燈火引之。使就空處生卵。此十餘日內。若天氣陰寒。則蛾不飛動。覆卵成堆。至蠶出之時。卵之在中者。往往咬不出卵而死。若天氣晴暖。則羣蛾栩栩。其生卵必勻。其色如膏粱。有生氣。若遇天氣寒冷。仍須以炭火微烘之。見卵半月。或二十日而蠶出。亦宜近火。以沾暖氣。其出也。總在寅卯二時。故俗以蠶出爲

陽。卯。羅。須。以。黃。荆。嫩。條。編。之。年。必。一。換。若。用。他。木。則。不。粘。子。黃。
荆。條。出。遵。義。府。清。鎮。鴨。池。河。亦。有。之。

生生不已理無窮無限生機在
 個中一寸學生百廿子天蟲蠶馬
 到底勝斯蠶蠶一夜生九十九子

樓蘭圖說

上卷

手



祈蠶第十六

蠶之空肚發疰皆由人事。不藉神功。若久雨久晴。及大風雹。皆有神主之是。則不可以不祈也。或曰。風雹爲上天所司。蠶神豈能作主。殊不知我祈於神。神祈於天。我一念之誠。上天可以感格。况有神以爲之助乎。其法。於棚之東西角上。在別處則築一小臺。或石或木。可方二尺。寬二尺。高三尺。豎四小柱。搭茅於上。如街坊土地祠狀。中用木片高一尺三寸。寬一尺。擇神在日。書寫蠶神姓氏及應祀諸神。安設臺上。每日焚香設茗。每月十五日。煮油米白粥祀之。用

米煮粥入猪油白如此虔誠供養則祈禱無不應矣。又按歷代所

祀蠶神有四一黃帝元妃西陵氏見皇國要覽一蜀蠶女馬頭娘見蠶

神見後漢書禮儀志注一新興泥塑東山蠶神羅

夫人見廣東舊語今從之

蠶神木主牌式

本土地之神

作繭新興羅氏之神

蠶女馬氏小姑之神

始繭黃帝元妃之神

蠶娘蕊露禹氏之神

本縣城隍之神

遵義陳太守之神

東西棚上拜諸神白粥油鹽
次第陳水設木饌雖足數祈
天天自食斯民



禦風雹法第十七

或曰。蠶利固大矣。故遇雹災。則蠶無遺類。奈之何哉。余曰。俗以蠶爲天蟲。人果能毋爲不義。毋自暇逸。誠心事神。以祈蠶年。善待工人。毋有詬厲刻薄。則上天斷不降災。即或天災難免。黔西何天爵先生。謂有辟除風雹之法。云其家有茶樹數十萬株。開花時。亦最忌雹。遇異人授禦雹之法。行之十餘年。雹災不作。且雹作而以此法免者有二次。今見君急切爲民。故不敢吝秘。務廣爲傳之。其說曰。凡雹必有風以送之。風不至。雹亦不至矣。風之神曰蜚廉。雹之

神曰李左車能制風雹之神曰后羿其法於蠶未入山之前或二
 月或三月內擇第一箇丙戌日將羅針在橡林中間定準戌方在
 於何處即於是處立一旛竿竿以小直木為之長三丈四尺九寸此必如旛
 以黃布一幅為之長一丈四尺九寸此必如旛旛上書日月木火土金
 水氣字羅計十一字旛上除頭二尺旛尾除一尺零九寸日書月書
 木書火書土書黃土書粉水書氣書字羅計書黃土書令道士照依
 齋醮立皇幡之法樹之繫旛竿繩索務要堅固以麻紵為之
防大風搖落不落則雹自不來矣旛竿
 下設一小棹用潔淨栗木版片寬一尺長二尺做一牌位牌分三

行一直書風主蜚大將軍之神。一書護蠶后羿大將軍之神。一書
電主李大將軍之神。棹及牌位坐辰向戌。又取年月日時四戌方
之土各一小撮。和水爲泥。塑一小狗像。安頓棹下。其尾在辰。其頭
向戌。幡竿於丙戌前三日造畢。幡與牌位上字。以丙戌日寫土狗
以丙戌日辰時取土爲之。樹竿及牌位皆於午中刻畢。事隨取一
雄雞。祭之。洒血牌位上。設香帛酒醴祭品。衆蠶戶整潔衣冠。俯伏
讀祝文。奠獻畢。化錢畢。出泥狗於棹下。向幡下焚香奠酒。化錢殺
一小黑狗以祭之。取血塗黃幡尾上。即於此時豎幡。並取血塗狗

背上塗皁取泥狗仍置棹下。剥取狗皮晒乾。亦掛於棹下。每日焚香二次。遇雷將起。即奔赴檐下焚香拜祝云。幸赦過幸赦過。再割黑狗皮如掌大。走出橡林之外。向風來處和乾草燒之。祝曰。他方顯化他方顯化。如此則隣村雨電而養蠶之處定不受害矣。

附取四狗土例

年狗例。六甲年中取之。假如甲子甲戌二旬。此二十年中在甲方上取土。甲申旬中十年在丙方上取土。甲午旬中十年在亥方上取土。戊寄在亥取亥土。即是取戊土。甲辰旬中十年在庚方上取土。


甲寅旬中十年。在壬方上取土。

月狗例以五虎遁取之。假如甲巳之年正月爲丙寅月建。就丙寅順數至九月得甲戌。就甲方上取土。乙庚兩年月建戊寅。就丙方上取土。丙辛兩年月建庚寅。就亥方上取土。丁壬兩年月建壬寅。就庚方上取土。戊癸兩年月建甲寅。就壬方上取土。日狗例以其月初一日日建取之。無論二月三月。只要有了丙戌日。假如二月朔日或三月朔日就朔日順數至上旬戌字。如朔日是庚辰。順數至初七日爲丙戌。就丙方上取土。如朔日是甲午。順

數至初五日爲戊戌就亥方上取土餘倣此
時狗例丙戌日年年向丙方取之

其要在丙戌前幾日用羅針格定戌方之後便將羅針定準四狗
土方標土爲記標在如兩狗三狗同方便插兩標三標爲記以便
至期取土造作泥狗否則臨時張皇恐有誤也具圖於左

四狗土方位



祝文式

維

大清

年歲次

月丙戌日下民某某敢祈祝於

本縣城隍暨本山土地之神。

職盧蚩大將軍之神。

同官李大將軍之神。

制風雷后羿將軍之神。伏惟

尊神。

力屈九天。

恩周萬彙。

職氣機之索篇。

掌造化之權衡。生殺從心。予奪惟

命。竊念下民某某等。分於

省。府。州。縣。里。甲。地名

處。培植青桐。生育蠶類。八家藉以資生。百口因而爲命。雖

尊神震怒。無非

天顯其威。而彼蒼好生。端賴

神降之福。况夫穿腸破肚。億萬蠶之廢爛。可悲。金盡囊空。千百家之
饑寒堪憫。用卜今月良日。樹立旛竿。謹具香帛果品。祭饌不腆
之儀。虔誠上

獻。伏異

捍災禦患。家家登再熟之蠶。

雨順風調。戶戶獲千金之利。下民等無任恭祝

誠求之至尚 饗。

祝土狗文

天有四狗。以守九區。吾有四狗。以守四隅。妖風不作。水電是祛。我登再熟。實爾勤劬。

幡竿等物。俟收繭後。恭具香帛酒醴。答謝神祇。畢。以此竿作梁。能避水火。幡布供奉家堂。瘟鬼不敢入室。若隣境迎供。瘟亦立愈。若沿門痢疫。須於寨中。或寨外。如法立竿掛幡。瘟神疫鬼。無不遠避。何先生云。試驗已多。當非虛語也。且此幡所全者大。所費無幾。爲之亦易。爲力其敬行之。毋忽。

天定勝人天運隨人缺古
今然淮南子畫地奇門有此回
天街侍與吾民作善緣



占蠶及繭之成熟第十八

凡蛾一萬得繭六十萬爲大熟。四五十萬爲中熟。一二十萬爲秋。
收占之之法。史記天官書曰。正月上甲初旬第風從東方來。宜蠶。
晉書五行志曰。三月初二日。天陰無日。無雨。則繭大熟。此古法。
也。今占有數法。凡蠶覆卵之時。此十餘天內。及拴筐之時。天氣晴。
明。則蠶出多而易長。詳見覆卵放又卵色微赤。如膏梁。散布筐中。
則卵有生氣。蠶必盡出。或白色。綠色。均爲敗卵。又蠶出時。有頭紅。
者。數頭名曰紅頭蠶。又名爲蠶王。大熟之兆。又蠶初出時。自食其

穀只留一帶亦主繭熟每起眠盡食其所蛻之殼其絲亦多又放
蠶處鳥雀倍多其蠶必旺以鳥趨旺地故也二三眠時蠶多變黃
色謂之黃金蠶繭必大熟青色亦佳若色淡白而皮薄斯爲下矣
凡蠶三眠有病吊購者則四眠必病發斑如其數若三眠無病則
大熟又有二三蠶共成一繭或五六蠶共一繭者俗以爲懶蠶其
絲不貴緒多難抽故也不知此惟大熟時始有之齊民要術謂爲同繭蠶
若風雨調和雹災不作則繭之大熟更不俟占驗而知故祈蠶貴
焉

卯赤頭紅瑞應奇若
逢棚旺鳥先知穀般
占驗人皆識我獨時
賜時雨期



分棚第十九

分棚者。謂放蛾之時。造作草棚。住人以看守也。棚有大小。假如放蛾一萬。需長工七八人守之。短工隨時酌催。若五千則只需三人。余觀大棚每千蛾得繭穀五六萬。小棚則往往可得七八萬。何也。棚小則蠶少力專。人勤工倍。蠶無依草附木落地捱饑之害故也。是故橡山寬廣。必須分作兩棚。毋惜棚費。而繭之大收。較分棚之小費。當不啻數倍也。橡林在平坡。則移枝易。而用工少。若山勢陡削。及橡樹高大。或不成林。則移枝難。而用工多。

此蘭如何多數千
只因棚小力能專
將蝦釣鯉君知否
莫惜今棚些
少錢



計本息第二十

周官以本息安萬民。余以萬蛾之資本計之。每萬蛾需繭種殼三萬餘千顆。估值銀十四五兩。每烘萬蛾。不過工費銀四兩。及至放蠶。每萬蛾所育之蠶。須催長工八人。自蠶上樹以後。四十日見繭。二十日收繭。共需長工四百八十人。每人工費銀日七分。約需銀三十三兩。共錢再加四眠後催葉十日。收繭十日。催短工八十人。每日每人需銀五分。合銀四兩。共計每萬蛾需本銀五十六兩六錢。每萬蛾應育蠶一百萬頭。除敗卵及鳥食病死餓死者四十萬。

可得繭殼六十萬。每萬繭殼估銀二兩二錢。共可得銀一百三十二兩。除本銀五十六兩六錢。可得利銀七十五兩四錢。此大熟之年也。若中歲亦可得繭殼五十萬。值銀一百一十兩。除本外亦可得銀五十三兩四錢。吾見農夫終歲勤動。年所入穀。除牛租穀種外。不過值銀七八兩。自烘種以至收繭。不過半年。凡以六十金放蠶者。便可得利銀七十餘兩。推之二三十兩。以及十兩八兩。皆有數倍之利。可爲俯仰之藉。致富之資。吾民又何憚而不爲哉。

從來子母青兼權
三信人稱大賈賢
但使四時調玉燭
一株橡樹一丘田

良相圖

